

Vorrede.

fertigkeit keinen frommen Man-
ne / wil geschweigen / einem ge-
trewen Prediger / anzumuthen.
Hactenus illi.

In betrachtung dieser jetzt geführ-
ten motiven / vnd sonderlich / weil nicht
jederman des verstandes ist / das er als
bald die Geister prüfen / vnd richten / vñ
die schädliche giftige Lehre / vnter den
süssen Worten bedeckt / mercken kan / ist
klar vnd offenbar / das getrewen Lere-
rn vnd Seelenhirten in alleweg gebüren
wil / dieselbe falsche Lehr vnd Lehrer of-
fentlich vnd mit Namen anzuzeigen /
zuwiderlegen / vnd jederman dafür zu-
warnen / zurichten / zuurtheilen / zuver-
fluchen vnd zuverbannen ; nach dem
Exempel des heiligen Königs vñ Pro-
pheten Davids / in dem 39. Psalmen :
Ich hasse ja / H E R R / die dich
hassen / vnd verdreust mich auff
sie / das sie sich wider dich setzen /

b v

Ich